



Broj: 10-05-4415/16
Sarajevo, 19.04.2016 godina

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničko pitanje

Zastupnik Hamed Aljović je na Dvanaestoj Radnoj sjednici Skupštine Kantona Sarajevo, održanoj 29.02.2016 godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavio zastupničko pitanje:

„Molim ministricu zdravstva da mi odgovori zašto je u periodu od 01.01.2007 do 31.03.2015 godine, broj zaposlenih u Javnoj ustanovi „Dom zdravlja Kantona Sarajevo“, povećan za 323 uposlenika, a posebno zašto je povećan broj administrativnih radnika, tehničkih i ostalih radnika, kao i doktora stomatologije i da li je zapošljavanje izvršeno po pozitivnim zakonskim propisima i ako nije da poduzme mjere predviđene zakonom?“

U vezi sa postavljenim zastupničkim pitanjem dostavljamo slijedeći:

ODGOVOR

Na postavljeno zastupničko pitanje je Ministarstvo zdravstva zatražilo izjašnjenje od JU Dom zdravlja Kantona Sarajevo u vezi sa zapošljavanjem kadrova u periodu od 2007-2015 godine.

JU Dom zdravlja Kantona Sarajevo je dostavio odgovor dana 15.04.2016 godine, a koji Vam dostavljamo u prilogu akta.

Želimo istaći da politika planiranja kadrova i zapošljavanja istih nije odražavala stvarne potrebe za zdravstvenim kadrovima, a što se posebno odnosi na planiranje specijalističkog kadra (program specijalizacija) kao ni potrebe za kadrovima ne medicinske struke.

S tim u vezi želimo Vas također izvjestiti da je ovo ministarstvo u 2016 godini pokrenulo proces reformi koji se odnosi na nove mehanizme ugovaranja zdravstvenih usluga. To podrazumjeva utvrđivanje Programa zdravstvene zaštite za sve nivoe zdravstvene zaštite kojima će se definirati usluge za sve zdravstvene ustanove iz okvira njihove nadležnosti odnosno registrovane djelatnosti, a što uključuje i potreban kadar za provođenje tog programa.

Provođenje programa zdravstvene zaštite će se redovno kontrolirati i evaluirati, u skladu sa tim vršiti i finansiranje, te će se na taj način prevenirati nepotrebno zapošljavanje jer se neće finansirati kadrovi iznad potrebnog broja utvrđenog Programom zdravstvene zaštite, odnosno višak kadrova neće biti finansiran, a za šta će odgovornost snositi menadžment ustanove.



Ministarstvo zdravstva nemože poduzimati mjere u smislu otkaza ugovora za zaposlenike koji su već zasnovali radni odnos na neodređeno vrijeme, ali će se zalagati da se u sklopu cjelokupne reforme omogući preraspodjela kadrova između zdravstvenih ustanova u Kantonu Sarajevo.



web: <http://mz.ks.gov.ba>
e-mail: minzdrav@ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1



JAVNA USTANOVA
DOM ZDRAVLJA
KANTONA SARAJEVO
GENERALNI DIREKTOR

Datum: 14-04-2016
Broj: 01-03-1953-2/16

BIH
FBIH
KANTON SARAJEVO
MINISTARSTVO ZDRAVSTVA
Reisa Džemaludina Čauševića 2
71 000 Sarajevo

n/r Zilha Ademaj, dipl.ecc., ministrica

PREDMET: Obavještenje

- veza Vaš akt broj 10-05-4415/16, od 15.03.2016. godine -

U skladu sa Vašim zahtjevom za dostavljanjem informacije na zastupničko pitanje, zastupnika Hameda Aljovića, upućenog na sjednici Kantonalne Skupštine održanoj 29.02.2016. godine, a koje se odnosi na: „zašto je u periodu 01.01.2007. do 31.03.2015. godine povećan broj zaposlenih u JU Dom zdravlja Kantona Sarajevo za 323 uposlenika, a posebno zašto je povećan broj administrativnih radnika, tehničkih i ostalih radnika, kao i doktora stomatologije i da li je zapošljavanje izvršeno po pozitivnim zakonskim propisima“, obavještavam Vas o sljedećem:

Javna Ustanova Dom zdravlja Kantona Sarajevo u navedenom periodu je uvećala broj zaposlenika za broj naveden naprijed, najviše iz razloga stalnog povećanja obima posla, odnosno broja usluga koje su pružane u tom periodu, tako je prema zvaničnim Izvještajima o radu JU Dom zdravlja Kantona Sarajevo broj pruženih usluga i posjeta, na kraju 2007 godine iznosio 9.203.949, da bi na kraju 2015 taj broj dosegao cifru od 13.650.968, što predstavlja povećanje od cca 4.500.000 usluga i posjeta u navedenom periodu. Takođe, u navedenom periodu, a posebno u periodu do 2013. godine došlo je do značajnijeg implementiranja mreže ambulanti porodične medicine, čime se značajno povećao broj lokaliteta na kojima Ustanova pruža zdravstvenu zaštitu, da bi na kraju 2015. godine JU Dom zdravlja Kantona Sarajevo imala 85 lokaliteta širom Kantona Sarajevo, a na kraju 2007 godine njih 66. po čemu se vidi da je došlo do evidentnog rasta u prostornom smislu i smislu dostupnosti zdravstvene zaštite, što je neminovno dovelo do povećanja ukupnih potreba Ustanove u svim segmentima, a posebno u segmentu kadra.

U novembru 2014. godine je na snagu stupio novi Pravilnik o radu, unutrašnjoj organizaciji i sistematizaciji radnih mjesta koji je prošao kompletnu proceduru usvajanja, te dobio potrebne saglasnosti Ministarstva zdravstva Kantona Sarajevo, navedeni Pravilnik predviđa 2225 radnih mjesta u JU Dom zdravlja Kantona Sarajevo, a u Ustanovi je trenutno zaposleno 2071 uposlenik.

Bosna i Hercegovina
Federacija Bosne i Hercegovine
KANTON SARAJEVO

1675
h e

PRIMLJENO: 15-04-2016			
Klasifikaciona oznaka	Klasifikaciona oznaka	Redni broj	Broj priloga
10	05	4415	16

16

Što se tiče konkretnog dijela pitanja o povećanju broja administrativnog osoblja, Izvještaji o radu nedvosmisleno pokazuju da je na dan 31.01.2007 godine u Ustanovi bilo zaposleno 355 radnika navedene struke, a na dan 31.12.2015 godine 392, što je povećanje od 37 uposlenika. Prema istim izvorima informacija, na kraju 2007 u Ustanovi je bilo zaposleno 69 doktora stomatologije, a na kraju 2015 njih 98. uz napomenu da se radi isključivo o polivalentnim stomatolozima bez specijalista stomatoloških grana kojih u Ustanovi ima značajan broj.

Sa pozicije generalnog direktora koju trenutno obnašam mogu reći da JU Dom zdravlja Kantona Sarajevo i dalje ima stalne probleme u funkcionisanju zbog manjka kadra, posebno u segmentu uposlenika medicinske struke svih profila, posebno – doktora medicine i medicinskih sestara/tehničara - na čemu je potrebno i dalje raditi kako bi se u tom smislu ojačali naši kapaciteti.

Sagledavajući sve navedeno moramo reći i to da se radi o prilično dugom periodu za utvrđivanje razloga povećanja broja kadra i eventualnih posljedica nastalih istim, posebno iz razloga što se u navedenom periodu nekoliko puta smjenjivao menadžment ustanove na čelu sa generalnim direktorom. Takođe, ne bi smjeli zaboraviti činjenicu da su za svaku godinu pojedinačno u navedenom periodu svoj sud o radu JU Dom zdravlja kantona Sarajevo davale sve relevantne institucije, počev od osnivača (Skupština Kantona Sarajevo) i sve do nezavisnih eksternih revizija poslovanja, a posebno treba istaći i u nekoliko navrata predistražne radnje nadležnog tužilaštva i MUP – a, koji bi trebali dati relevantne zaključke o eventualnim nezakonitostima iz navedenog perioda.

S poštovanjem,



GENERALNI DIREKTOR
Prim.dr Milan Mioković
Spec.porodične medicine

Milan Mioković

DOSTAVITI:

- Naslovu

- a/a



Broj: 10-05-4415-1/16
Sarajevo, 13.04.2016 godina

JU DOM ZDRAVLJA KANTONA SARAJEVO
n/r Direktora Prim. dr Milan Mioković
ul. Vrazova broj 11
Sarajevo

REMA

potpis

PREDMET: Zastupničko pitanje, odgovor traži se - URGENCIJA

Zastupnik Hamed Aljović je na Dvanaestoj Radnoj sjednici Skupštine Kantona Sarajevo, održanoj 29.02.2016 godine, u okviru tačke Dnevnog reda „Zastupnička pitanja inicijative i odgovori“, a u skladu sa Poslovníkom Skupštine Kantona Sarajevo, postavio zastupničko pitanje:

„Molim ministricu zdravstva da mi odgovori zašto je u periodu od 01.01.2007 do 31.03.2015 godine, broj zaposlenih u Javnoj ustanovi „Dom zdravlja Kantona Sarajevo“, povećan za 323 uposlenika, a posebno zašto je povećan broj administrativnih radnika, tehničkih i ostalih radnika, kao i doktora stomatologije i da li je zapošljavanje izvršeno po pozitivnim zakonskim propisima i ako nije da poduzme mjere predviđene zakonom?“

S tim u vezi ovo ministarstvo Vam je zatražilo odgovor na pomenuto zastupničko pitanje (akt broj 10-05-4415/16 od 15.03.2016 godine), a koji do danas nismo dobili. Obzirom da se radi o hitnosti, molimo Vas da u što kraćem roku dostavite odgovor na zastupničko pitanje, kao i podatke tražene u već ranije dostavljenom aktu ovog ministarstva.

S poštovanjem,

Prilog:

- Naš akt broj 01-05-4415/16 od 15.03.2016


MINISTRICA
Zilha Ademaj
Zilha Ademaj, dipl.oec





Broj: 10-05-4415/16
Sarajevo, 15.03.2016 godina

JU DOM ZDRAVLJA KANTONA SARAJEVO
n/r Direktora Prim dr Milan Mioković
ul. Vrazova broj 11
Sarajevo



PREDMET: Zasupničko pitanje – dostavlja se

Zastupnik Hamed Aljović je na Dvanaestoj Radnoj sjednici Skupštine Kantona Sarajevo, održanoj 29.02.2016 godine, u okviru tačke Dnevnog reda „Zastupnička pitanja inicijative i odgovori“, a u skladu sa Poslovníkom Skupštine Kantona Sarajevo, postavio zastupničko pitanje:

„Molim ministricu zdravstva da mi odgovori zašto je u periodu od 01.01.2007 do 31.03.2015 godine, broj zaposlenih u Javnoj ustanovi „Dom zdravlja Kantona Sarajevo“, povećan za 323 uposlenika, a posebno zašto je povećan broj administrativnih radnika, tehničkih i ostalih radnika, kao i doktora stomatologije i da li je zapošljavanje izvršeno po pozitivnim zakonskim propisima i ako nije da poduzme mjere predviđene zakonom?“

U prilogu akta dostavljamo Vam u cjelosti zastupničko pitanje sa obrazloženjem uvaženog zastupnika Hameda Aljovića, te je potrebno da ovom ministarstvu u što kraćem roku dostavite detaljan odgovor na isto, u smislu broja novouposlenih kao i proceduru zapošljavanja istih.

S poštovanjem,

Prilog:

- Akt broj 01-05-4415/16 od 03.03.2016 Skupštine Kantona Sarajevo sa prilogom - zastupničko pitanje sa obrazloženjem od 29.02.2016 godine

MINISTRICA
Zilha Ademaj
Zilha Ademaj, dipl.oec



web: <http://mz.ks.gov.ba>
e-mail: minzdrav@ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1





Broj: 01-05-4415/16
Sarajevo, 03.03.2016.godine

MINISTARSTVO ZDRAVSTVA
KANTONA SARAJEVO
n/r ministrice

982
Alina,
kraj: očitovanje
je-a po zakonu
pitanja

03-03/16 Az

A d.c.
Lj


Zastupnik Hamed Aljović je na Dvanaestoj Radnoj sjednici Skupštine Kantona Sarajevo, održanoj 29.02.2016. godine, u okviru tačke Dnevnog reda "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, postavio zastupničko pitanje:

"Molim ministricu zdravstva da mi odgovori zašto je u periodu od 01.01.2007. do 31.03.2015. godine, broj zaposlenih u Javnoj ustanovi "Dom zdravlja" Kantona Sarajevo, povećan za 323 uposlenika, a posebno zašto je povećan broj administrativnih, tehničkih i ostalih radnika, kao i doktora stomatologije i da li je zapošljavanje izvršeno po pozitivnim zakonskim propisima i ako nije da poduzme mjere predviđene zakonom?"

Molimo da u skladu sa odredbama Poslovníka Skupštine Kantona Sarajevo-Drugi novi prečišćeni tekst („Službene novine Kantona Sarajevo“, broj 41/12 i broj 15/13, 47/13) odgovor, u pisanom obliku, uputite predsjedateljici Skupštine Kantona Sarajevo kako bi isti dostavili zastupniku Aljoviću, kao i ostalim zastupnicima u Skupštini.

Prilog: Zastupničko pitanje Hameda Aljovića

CO:
-sekretar SKS
-sekretar Vlade Kantona



PREDSJEDATELJICA
SKUPŠTINE KANTONA SARAJEVO
Prof. Ana Babić

ZASTUPNIČKO PITANJE - Zastupnik Hamed Aljović

Pitanje prema Ministrici zdravstva Kantona Sarajevo

Molim Ministricu zdravstva da mi odgovori *zašto je* u periodu od 01.01.2007. do 31.03.2015. godine, *broj zaposlenih u Javnoj ustanovi „Dom zdravlja“ Kantona Sarajevo, povećan za 323 uposlenika*, a posebno zašto je povećan broj administrativnih, tehničkih i ostalih radnika, kao i doktora stomatologije i da li je zapošljavanje izvršeno po pozitivnim zakonskim propisima i ako nije da poduzme mjere predviđene zakonom?

Obrazloženje: Cijeneci stručnost i profesionalnost ministricice Zilhe Ademaj, kao i činjenicu da u gore navedenom periodu nije bila na čelu Ministarstva zdravstva Kantona Sarajevo (objektivnost), postavljam ovo pitanje.

Naime, uvaženi zastupnik/poslanik Semir Halilović je na Devetoj sjednici Skupštine Kantona Sarajevo, održanoj 21.12.2015. godine postavio zastupničko/poslaničko pitanje prema Ministarstvu zdravstva Kantona Sarajevo u kojem traži podatke o „zapošljavanju u Javnoj ustanovi „Dom zdravlja“ Kantona Sarajevo za period od 2007. pa sve do marta 2015. godine“.

Javna ustanova „Dom zdravlja“ Kantona Sarajevo je dostavila odgovor na zastupničko/poslaničko pitanje (akt broj: 01-05-379-2 /16 od 28.01.2016. godine). Podatke navedene u odgovoru smatram *nelogičnim* jer je jasno vidljivo da je broj uposlenika za navedeni period povećan za 323 osobe.

Pitam se šta se radikalno dogodilo pa je trebalo doći do ovako velikog zapošljavanja u Javnoj ustanovi „Dom Zdravlja“ Kantona Sarajevo?

Analitički gledano, prosječno je u navedenom periodu broj uposlenika *povećavan za više od 3 osobe mjesečno ili skoro za jednu osobu sedmično*.

U strukturi novouposlenih *broj administrativnih, tehničkih i ostalih radnika se povećao za čak 58 osoba* kao da se ne radi o zdravstvenoj ustanovi. Posebno je zanimljivo povećanje zapošljavanja administrativnih, tehničkih i ostalih radnika u izbornim godinama (mislim na opće izbore) kao da se radi o političkom subjektu, a ne zdravstvenoj ustanovi pa im je zbog obima posla potreban veći broj uposlenika. Prije svega mislim na 2014. godinu gdje je samo u ovoj godini zaposleno *16 novih*, administrativnih, tehničkih i ostalih radnika.

Također, nelogičnim smatram zapošljavanje *35 doktora stomatologije*, kada je opća percepcija građana da stomatološke usluge, Javne ustanove „Dom zdravlja“ Kantona Sarajevo, koriste uglavnom djeca.

Pitam se da li je menadžment Javne ustanove „Dom zdravlja“ Kantona Sarajevo radio bilo šta drugo ili se samo bavio zapošljavanjem?

Kao građanin i zastupnik u Skupštini Kantona Sarajevo smatram da se *kvalitet zdravstvenih usluga koje pruža Javna ustanova „Dom zdravlja“ Kantona Sarajevo* u periodu od 01.01.2007. do 31.03.2015. godine, *apsolutno ništa nije poboljšao, već naprotiv*, iako je u Javnu ustanovu „Dom zdravlja“ Kantona Sarajevo, zaposleno, *novih 323 osobe*.

29. 02. 2016. godine

Z a s t u p n i k:

Hamed Aljović

